



Broj: 01-07-1509-2/17
Sarajevo, 20.6.2017.godine

**PARLAMENTARNA SKUPŠTINA
BOSNE I HERCEGOVINE**

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 11-07-2017			
Organizaciona jedinica	Klasifikaciona oznaka	Redni broj	Broj priloga
01,02	37-	1671/17	

B

PREDMET: Informacija o projektu PRO-Budućnost i Platformi za mir i tekst Platforme za mir
- dostavlja se

Poštovani,

Vijeće ministara Bosne i Hercegovine na 104. sjedinici održanoj 6.6.2017.godine, primilo je na znanje Informaciju o projektu PRO – Budućnost i Platformi za mir i s tim u vezi zaključilo da se usvaja Platforma za mir i podržava provođenje aktivnosti koje su usmjerene na jačanje mira u Bosni i Hercegovini i regiji.

Predmetnim zaključkom zaduženo je Ministarstvo za ljudska prava i izbjeglice Bosne i Hercegovine da Informaciju o projektu PRO – Budućnost i Platformi za mir i tekst Platforme za mir dostavi Parlamentarnoj skupštini Bosne i Hercegovine na daljnje postupanje.

U cilju realizacije zaključka usvojenog na 104. Sjedinici Vijeća ministara Bosne i Hercegovine održanoj 6.6.2017.godine, u privitku akta dostavljamo Informaciju o projektu PRO – Budućnost i Platformi za mir i tekst Platforme za mir na daljnje postupanje.

S poštovanjem,



Privitak:

- Zaključak Vijeća ministara BiH broj: 05-07-1-1401-16/17 od 7.6.2017.godine
- Informacija o projektu PRO-Budućnost i Platformi za mir
- Platforma za mir na bosanskom, hrvatskom i srpskom jeziku
- Lista načelnika općina i gradova koji su potpisali Platformu za mir

Dostavljeno:

- naslovu
- u spis predmeta
- a/a

Način otpreme: kurirom



Broj: 05-07-1-1401-16/17
Sarajevo, 7. 6. 2017. godine

BOSNA I HERCEGOVINA
MINISTARSTVO

PREMIJENO: 12.06.2017		Ured odloga
Urednik javnosti	Urednik općine	
07	07	1503-1/P

MINISTARSTVO ZA LJUDSKA PRAVA I IZBJEGLICE
- n/r tajnika Ministarstva -

SARAJEVO

PREDMET: Obavijest o zaključku Vijeća ministara BiH

Vijeće ministara Bosne i Hercegovine na 104. sjednici, održanoj 6. 6. 2017. godine, primilo je na znanje Informaciju o projektu PRO – Budućnost i Platformi za mir, te u vezi s tim zaključilo:

- usvaja se Platforma za mir i podržava provođenje aktivnosti koje su usmjerene na jačanje mira u Bosni i Hercegovini i regiji;

- zadužuje se Ministarstvo za ljudska prava i izbjeglice Bosne i Hercegovine da Informaciju o projektu PRO-Budućnost i Platformi za mir i tekst Platforme za mir dostavi Parlamentarnoj skupštini Bosne i Hercegovine na daljnje postupanje.

O zaključku vas informiramo radi njegove provedbe.

S poštovanjem,





Broj: 01-07-37-1-2297-4/16
Sarajevo, 29.5.2017.godine

I n f o r m a c i j a
o projektu PRO-Budućnost i Platformi za mir

PRO-Budućnost je četvorogodišnji projekat američke humanitarne organizacije Catholic Relief Services (CRS), koji je počeo u septembru/rujnu 2013. godine i koji najvećim dijelom finansira Američka agencija za međunarodni razvoj (USAID).

Projekat se provodi u saradnji sa lokalnim partnerima: Fondacijom Mozaik, Caritasom BiH, Forumom građana Tuzla, Helsinškim parlamentom građana Banjaluka i Međureligijskim vijećem u BiH.

Osnovna svrha projekta je izgradnja povjerenja među građanima svih etničkih grupa u BiH, a kako bi bili spremni da zagovaraju za društvene promjene.

Projektna aktivnosti, koje se provode u 60 opština/općina/gradova u zemlji, usmjerene su i osmišljene tako da omogućavaju narodima u BiH da razumiju i prihvate postojanje drugih i drugačijih narativa, te da uključe ključne uticajne aktere (medije, političare, predstavnike NVO sektora, vjerske lidere, predstavnike akademske zajednice, umjetnike i ostale) u široku podršku lokalnim mirovnim inicijativama.

Platforma za mir je jedan od ključnih projektnih dokumenata te je predviđeno njeno usvajanje na svim nivoima vlasti u BiH, počev od Vijeća ministara BiH i Parlamentarne skupštine BiH. Bitno je napomenuti da Ministarstvo za ljudska prava i izbjeglice BiH od početka vodi savjetodavne i ostale relevantne procese u vezi sa usvajanjem Platforme za mir na državnom nivou.

Platforma za mir je strateški dokument u formi deklaracije, koji je do danas svojim potpisom odobrilo 54 načelnika opština, općina i gradova iz Bosne i Hercegovine, iz svih geografskih regija - a što je gotovo polovina od ukupnog broja lokalnih zajednica u BiH.

Platforma je nastala na temelju potrebe da se narodima i građanima BiH, ali i regionalnoj i međunarodnoj javnosti, pošalje jasna i snažna poruka da se rat, ratna stradanja i sukobi - posebno oni iz XX vijeka - nikada više na ovim prostorima neće dogoditi. Platformu su inicirale lokalne zajednice na osnovu svojih potreba, a koncipirana je zajedničkim radom predstavnika akademske zajednice, nevladinog sektora, mladih te prijatelja i aktera mirovnog projekta i inicijative PRO-Budućnost - koji su posjetili sve općine, opštine i gradove koje su potpisale platformu i konsultovali se sa lokalnim ključnim akterima - sa ciljem da služi kao polazište za svaki prosperitet u BiH.

Platformu za mir treba posmatrati i kao praktični alat, koji je na najpodesniji način obuhvatio sve ono što narode i građane u BiH boli, brine i, kao posljedicu, potiče da se masovno iseljavaju i sve rjeđe odlučuju na zasnivanje porodice i rađanje djece - a što za rezultat ima sve izraženiji nedostatak stručnog radnog kadra, izumiranje sela i cijelih regija.

Izgradnja mira, nije apstraktni proces, koji nema čvrstu vezu sa terenom i događanjima u društvu; naprotiv, stabilan mir je rezultat stabilnih odnosa u društvu, a čiji su preduslov pomirenje i prihvatanje drugog i drugačijeg, razumijevanje i prihvatanje postojanja drugačijih - često suprotstavljenih - narativa, te iskren i otvoren razgovor među ključnim, a potom i svim drugim društvenim akterima i narodima.

Sve navedeno vodi do prosperitetnog, uspješnog, optimističnog, otvorenog, obrazovanog i uopšte jakog društva koje će moći uspješno da se nosi sa izazovima modernog doba i globalnih prijetnji poput terorizma, organizovanog kriminala, uništavanja životne sredine, klimatskim promjenama i ostalim faktorima koji utiču na svakodnevni ljudski život.

Narodi i građani, nedvosmisleno su ujedinjeni oko činjenice da je mir jedina moguća opcija i da ne postoji alternativa mirnom i nenasilnom rješavanju svih konflikata, izazova i nesuglasica između svih političkih, društvenih i ostalih aktera.

U prilog navedenom govori i činjenica da je BiH atipična post-konfliktna država, u kojoj nije došlo do obnove sukoba 20 godina nakon rata, a što je, nažalost, jedna od odlika zemalja koje su prošle čak i kroz manje bolne sukobe u odnosu na onaj u BiH. Istraživanja, razgovori, događaji i evaluacije koje su provodili CRS i partneri u projektu PRO-Budućnost, širom zemlje, pokazali su da je podrška miru nedvosmislena, jasna i snažna u svim društvenim slojevima, bez izuzetaka.

Narodi i građani u BiH žele dugoročan i stabilan mir, kako bi mogli izgraditi bolje društvo.

Činjenica koja ohrabruje i koja se treba uzeti kao pokazatelj da je platforma svrsishodan strateški korak ka transformaciji našeg društva iz post-konfliktnog ka mirnom, je da su brojni načelnici već planirali sredstva u budžetima za 2018. godinu za podršku projektima koji doprinose pomirenju te izgradnji održivog mira.

Uzevši u obzir činjenicu da je više od 50 načelnika lokalnih zajednica u BiH, svojim potpisom na platformi stalo iza ovog dokumenta, Vijeće ministara BiH, kao izvršni organ Parlamentarne skupštine BiH, odnosno svih naroda i građana BiH, svjesno, nedvosmisleno i bez rezerve daje podršku ovoj mirovnoj inicijativi.

Kroz usvajanje Informacije o projektu PRO-Budućnost i Platformi za mir, institucije BiH šalju poruku lokalnoj, regionalnoj i međunarodnoj javnosti da je BiH spremna i zrela da napravi transformaciju i postane zemlja-primjer pomirenja i održivog mira i stabilnosti.

Vodeći se najvišim demokratskim standardima i ljudskim pravima, ali i ljudskim - moralnim, etičkim i duhovnim - vrijednostima ukorijenjenim u tradiciji svih naroda i građana u Bosni i Hercegovini, Vijeće ministara BiH prima k znanju Informaciju o Platformi za mir, i usvaja Platformu za mir, te ih prosljeđuje Parlamentarnoj skupštini BiH na dalje postupanje. Za realizaciju navedenih aktivnosti nije potrebno izdvajati dodatna finansijska sredstva iz Budžeta institucija BiH.

Imajući u vidu naprijed navedeno predlažemo Vijeću ministara Bosne i Hercegovine usvajanje sljedećih

Z a k l j u č a k a:

- 1. Vijeće ministara Bosne i Hercegovine prima k znanju Informaciju o projektu PRO-Budućnost i Platformi za mir.**
- 2. Vijeće ministara Bosne i Hercegovine usvaja Platformu za mir i podržava provođenje aktivnosti koje su usmjerene na jačanje mira u BiH i regionu.**
- 3. Zadužuje se Ministarstvo za ljudska prava i izbjeglice Bosne i Hercegovine da Informaciju i tekst Platforme za mir dostavi Parlamentarnoj skupštini Bosne i Hercegovine na dalje postupanje.**



Platforma za mir

Mi, dolje potpisani,

Poštujući političko-pravni poredak u Bosni i Hercegovini;

Duboko privrženi izgradnji i unapređenju mirnog i pravednog društva;

Svjesni važnosti uspostavljanja i promocije mira u postkonfliktnim multietničkim društvima;

Zabrinuti zbog nadmoći suprotstavljenih kulturnih narativa i iskorištavanja razlika i historijske patnje, što je doprinijelo netoleranciji i nasilju u Bosni i Hercegovini;

Sa zabrinutošću posmatrajući nedostatak alternativnih ili neutralnih interpretacija historije i nedostatak snažne demokratske i participativne političke kulture;

Uvjereni da su vlasti na svim nivoima, od lokalne zajednice do vrha države, javne institucije, nevladine organizacije, institucije obrazovanja, kulture, sporta, mediji, mladi, vjerske zajednice, intelektualci, a posebno ranjive i marginalizirane grupe od neprocjenjive važnosti za izgradnju interkulturalnog razumijevanja, mira i nenasilja, te obnovu međuetničkog povjerenja narušenog posljednjim ratnim sukobom u regiji i teškim posljedicama koje je izazvao;

Ohrabreni dosadašnjim postignutim rezultatima mirovnih napora i zajedničkih projekata vladinog i nevladinog sektora, a posebno konkretnim i već vidljivim rezultatima projekata, kao što su „Izaberimo mir zajedno“, „PRO-Budućnost“ i ostali;

Žaleći zbog izostanka edukacije o miru u podijeljenom obrazovnom sistemu BiH, te marginalizaciji onih koji pokušavaju srušiti barijere nepovjerenja i straha;

Afirmirajući potrebu da vlasti i pojedinci sa svih nivoa i segmenata društva - javne institucije, nevladine organizacije, obrazovne i kulturne institucije, sportska udruženja, mediji, vjerske zajednice, intelektualci, mladi, te ranjive i marginalizirane grupe - učestvuju u izgradnji interkulturalnog razumijevanja, međuetničkog povjerenja, mira i nenasilja;

Prepoznajući predanost pojedinaca i institucija širom BiH, koji su hrabro inicirali proces prevazilaženja posljedica proteklog rata i ponovne izgradnje međusobnog razumijevanja, poštovanja i povjerenja;

Ohrabreni rezultatima napora na izgradnji mira i zajedničkim projektima navedenih pojedinaca i institucija;

Nastojeći postići:

- Sveobuhvatno zagovaranje za procese izgradnje mira i pomirenja, te njihovo prihvatanje među svim konstitutivnim i ostalim narodima, građanima i vjerskim zajednicama u BiH;
- Međusobno povjerenje, razumijevanje i odgovornost u svim društvenim sferama;
- Uključivanje u procese izgradnje mira svih onih koji mogu doprinijeti uspostavi boljih društvenih uslova i kapaciteta koji će poboljšati stabilnost, sigurnost i mir;
- Podizanje svijesti građana i stvaranje kulture dijaloga u kojoj će građani moći saznati za postojanje drugačijih interpretacija društvenih odnosa i odgovornosti, bez uticaja štetnih ili ideologija podjele;
- Eliminiranje komunikacijskih prepreka među donosiocima odluka i aktivistima civilnog društva, kako bi mogli zajednički raditi na izgradnji dugoročnih i održivih mirovnih procesa;
- Dinamičnije i brže uključivanje vlasti u mirovne aktivnosti civilnog društva i nevladinog sektora i obrnuto;
- Identificiranje predstavnika svih nivoa i sfera društva - političara, vjerskih vođa, građanskih aktivista, predstavnika manjina, intelektualaca, aktivista u obrazovanju, novinara, mladih, žrtava rata, marginaliziranih grupa i drugih - koji su spremni transformirati svoju sklonost mirovnim nastojanjima u konkretne aktivnosti koje afirmiraju ljudska prava i poboljšavaju međusobno povjerenje, razumijevanje i odgovornost;
- Prepoznavanje pojedinačnih i institucionalnih aktera koji teže da umanje distancu među narodima i eliminiraju predrasude prema "drugima", na taj način kultivirajući društvene stavove o međusobnom razumijevanju, međuetničkom povjerenju i interkulturalnom razvoju;
- Prihvatanje ove platforme na državnom, entitetskom i lokalnom nivou;
- Adaptaciju ove platforme za regionalnu i međunarodnu javnost, radi uvjeravanja susjednih država i regionalnih i međunarodnih organizacija u neophodnost nastavka podrške izgradnji mira u BiH;

Afirmirajući našu uvjerenost da je mir, kao ljudsko pravo, najveća vrijednost našeg društva;

Iskazujući našu uvjerenost u neophodnost široke promocije i prihvatanja mira i mirovnih aktivnosti kao jedinog puta za prevenciju ponovnog buđenja konflikta i nasilja;

Naglašavajući da je naš zajednički cilj mir, koji će biti inkluzivan, te da nećemo biti zadovoljni samo odsustvom rata i nasilja, nego mirom koji će graditi slobodu, pravdu, razumijevanje i odgovornost kroz zaštitu ljudskih, nacionalnih i manjinskih prava;

Prihvatajući vlastitu odgovornost za stvaranje društva u kojem će mir biti prioritet iznad svih ostalih;

Riješeni da nastavimo podržavati već postojeće napore mirovnih aktivista u BiH, te da prepoznamo doprinos mirovnih aktivista našem društvu;

Zajedno posvećeni javnom zagovaranju za mir i kontinuiranom radu i obrazovanju drugih o miru;

Posvećeni razvoju demokratske slobode, građanskog angažmana i demokratske političke kulture koja ohrabruje debatu, odbacuje nasilje i promovira nenasilne oblike suprotstavljanja;

Pozivajući na širenje debata o miru u medijima i na društvenim platformama, kako bi one postale dio svakodnevnog života;

Osuđujući sve aktere i zagovarače nasilja i nasilnih politika;

Pozivajući sve donosiocje odluka i vođe civilnog društva širom zemlje i na različitim nivoima političke strukture da promoviraju vrijednosti mira i aktivno učestvuju u izgradnji stabilnog i održivog mira u BiH;

Podržavajući uspostavljanje komiteta čiji će članovi biti prominentne i javne osobe iz različitih sfera (obrazovanje, ekonomija, vjera, donositelji odluka, politika, kultura, sport, itd.) koje će zagovarati da svi građani BiH ovu platformu prihvate kao svoju;

Promovirajući uključivanje formalne i neformalne edukacije za mir u javnim obrazovnim ustanovama;

Iskazujući predanost u radu s medijima, kako bi se pronalazile i promovirale najbolje mirovne prakse, poruke, simboli i geste;

Pozivajući na javno predstavljanje zaključaka i naučenih lekcija relevantnih naučnih istraživanja usredotočenih na projekte izgradnje mira;

Pozivajući na izradu strategije za održiv dugotrajni mir u Bosni i Hercegovini, sveobuhvatnog mirovnog okvira koji će trasirati put za institucionalizaciju procesa izgradnje povjerenja i pomirenja u BiH;

Zalažući se za identificiranje pojedinaca iz sudske i izvršne vlasti koji ohrabruju mir, međuetničku saradnju i razumijevanje, a koje poštuju različite zajednice, kako bi mogli doprinijeti izradi i parlamentarnoj ratifikaciji strategije za održiv dugotrajni mir u BiH;

Pozivajući načelnike općina i gradova da otvore svoja vrata svim ljudima, te da promoviraju političku otvorenost, toleranciju, dijalog, prihvatanje postojanja drugačijih narativa, te zagovaranje dugotrajnog mira i pomirenja u svim lokalnim zajednicama;

Ohrabrujući sve ljude u BiH da učestvuju u formalnoj i neformalnoj mirovnoj edukaciji, izgradnji vještina za očuvanje mira, te rješavanju konflikata na miran i nenasilan način;

Pozivajući vladin i nevladin sektor u BiH, te sve građane da dostave kvalitetne prijedloge koji će poboljšati ovu početnu platformu, kako bi ona mogla prerasti u relevantan dokument i standard za mirovni aktivizam u BiH;

U potpunosti podržavamo sadržaj ove platforme i posvećujemo se ostvarivanju navedenih ciljeva.

U Sarajevu, _____ datum.

Denis Zvizdić

predsjedavajući Vijeća ministara BiH

Lista načelnika općina i gradova koji su potpisali Platformu za mir

1. Mostar - Ljubo Bešlić, HDZ
2. Nevesinje - Milenko Avdalović SNSD
3. Široki Brijeg - Miro Kraljević HDZ
4. Trebinje - Luka Petrović SNSD
5. Ljubuški - Nevenko Barbarić HDZ
6. Vlasenica - Miroslav Kraljević SNSD
7. Kladanj - Jusuf Čavkunović SDA/SBB
8. Vareš - Zdravko Marošević HDZ
9. Breza - Munib Zaimović SDA/SBB
10. Srebrenica - Mladen Grujičić SNSD/SDS/PDP
11. Bratunac - Nedeljko Mladenović SZP
12. Zvornik - Zoran Stevanović SNSD
13. Sapna - Zudin Mahmutović SDA/SBB
14. Teočak - Tajib Muminović SDA/SBB
15. Ugljevik - Vasilije Perić SZP
16. Lopare - Rado Savić SZP
17. Kalesija - Sead Džafić, nezavisni
18. Bosanska Krupa - Armin Halitović SDP
19. Novi Grad - Miroslav Drljača SNSD
20. Bihać - Šuhret Fazlić GS
21. Prijedor - Milenko Đaković DNS
22. Sanski Most - Faris Hasanbegović SDA/SBB
23. Kozarska Dubica - Radenko Reljić SNSD
24. Drvar - Goran Broćeta SNSD
25. Glamoč - Radovan Marković SNSD
26. Livno - Luka Čelan HDZ
27. Bosanski Petrovac - Zlatko Hujjić, nezavisni
28. Kupres - Milan Raštegorac HDZ 1990
29. Gračanica - Nusret Helić SDP
30. Petrovo - Ozren Petković SDS
31. Čelić - Sead Muminović SDA/SBB
32. Teslić - Milan Miličević SDS
33. Tešanj - Suad Huskić SDA/SBB
34. Žepče - Mato Zovko HDZ
35. Zenica - Fuad Kasumović, nezavisni
36. Zavidovići - Hašim Mujanović SBiH
37. Prozor/Rama - Jozo Ivančević HDZ 1990
38. Gornji Vakuf/Uskoplje - Sead Čaušević SDA/SBB
39. Bugojno - Hasan Ajkunić, SDA
40. Jablanica - Salem Dedić SDA/SBB
41. Foča RS - Radisav Mašić SNSD
42. Foča FBiH - Zijad Kunovac SDA/SBB
43. Trnovo RS - Goraj Vujičić SNSD
44. Trnovo FBiH - Ibro Berilo SDA/SBB

45. Modriča - Mladen Krekić SNSD
46. Gradačac - Edis Dervišagić SDP
47. Domaljevac - Mario Jurkić, Koalicija za Domaljevac
48. Šamac - Đorđe Milićević SZP
49. Odžak - Jakov Ivanković HDZ
50. Maglaj - Mirsad Mahmutagić SDP
51. Doboj - Obren Petrović SDS
52. Doboj Jug - Mirnes Tukić SDA/SBB
53. Usora - Zvonimir Anđelić HDZ
54. Goražde - Muhamed Ramović, nezavisni
55. Novo Goražde - Mila Petković SNSD
56. Višegrad - Mladen Đurević SNSD
57. Rudo - Rato Rajak SZP
58. Istočno Novo Sarajevo - Ljubiša Ćosić SNSD
59. Sokolac - Milorad Bjelica SDS
60. Sarajevo Centar - Nedžad Ajnadžić SDA